

# Søknad om samtykke frå Arbeidstilsynet: Bekrefting på at BHT har gitt bistand til planlegginga

Verksemda som skal bruke tiltaket/bygget, er registrert med ein næringskode som pålegg ho å vere tilknytt ei godkjent bedriftshelseteneste (BHT). BHT skal gi bistand til tiltakshavar når det blir søkt om samtykke frå Arbeidstilsynet.

[Sjå korleis bedriftshelsetenesta skal gi arbeidsgivar bistand ved nybygg eller endring av arbeidslokale.](#)

## Søknaden skal dokumentere at planane oppfyller krava

Tiltakshavar må søke om – og få – Arbeidstilsynet sitt samtykke til alle tiltak som er søknadsppliktige etter plan- og bygningsloven, og som no eller truleg i framtida skal brukast av ei verksemd som blir omfatta av arbeidsmiljøloven (sysselset arbeidstakarar), jf. arbeidsmiljøloven § 18-9. Kommunen kan ikkje gi igangsettingsløyve før Arbeidstilsynet har gitt slikt samtykke.

I søknaden skal tiltakshavar dokumentere at tiltaket/bygget blir planlagt med bygnings- og utstyrmessige løysingar som er i samsvar med krava til arbeidsbygg, slik at sikkerheita, helsa og velferda til arbeidstakarane blir varetatt.

Regelverket krev at arbeidslokala og arbeidsplassane skal vere tilpassa typen arbeid, særskilde risikoforhold ved drifta og behova til kvar enkelt arbeidstakar. Krava til personalfasilitetar (for eksempel garderober og matrom) skal vere oppfylte. Derfor skal planane i søknaden dokumenterast med beskrivingar og teikningar.

## Digitale søknader kan få samtykke trass innvendingar

Søknader i dei digitale søkeløysingane kan få automatisk samtykke sjølv om bedriftshelsetenesta har innvendingar til planane. Det kjem av at den digitale løysinga gir automatisk samtykke når søkar erklærer at det er planlagt i samsvar med preaksepterte (førehandsgodkjente) løysingar.

Når det blir erklært at preaksepterte løysingar er varetatt i planane, blir ikkje søknaden vurdert av ein saksbehandlar før Arbeidstilsynet gir samtykke. Dermed legg vi heller ikkje vekt på eventuelle innvendingar.

Arbeidstilsynet kan likevel gjennomføre etterkontroll av samtykke som er gitt automatisk. Da går saksbehandlarar gjennom all dokumentasjonen som tiltakshavar har sendt.

## Bedriftshelsetenesta skal bekrefte bistanden sin i planlegginga

Sidan verksemda som skal bruke bygget, skal vere tilknytt godkjent bedriftshelseteneste, skal tiltakshavar sørge for at bedriftshelsetenesta gir bistand når verksemda planlegg og gjennomfører fysiske og organisatoriske endringar. Dette omfattar blant anna etablering, vedlikehald og tilrettelegging av arbeidsplassar, lokale, utstyr og arbeidsprosessar, jf. forskrift om organisering, ledelse og medvirkning § 13-2. Søknaden om samtykke frå Arbeidstilsynet gjeld nettopp slike endringar.

Bedriftshelsetenesta skal kjenne til verksemda, risikoforholda i ho og krava som loven stiller til arbeidslokale og personalrom. På bakgrunn av dette skal bedriftshelsetenesta gi råd om korleis verksemda kan redusere risikoforholda gjennom bygnings- og utstyrsmessige løysingar, og kva personalfasilitetar som må vere på plass.

## Ta utgangspunkt i eigenerklæringa med preaksepterte løysingar

Vi anbefaler at de tek utgangspunkt i skjemaet for eigenerklæring med Arbeidstilsynet sine preaksepterte (førehandsgodkjente) løysingar. Eigenerklæringa gir ei systematisk oversikt over krava, og beskriv løysingar som vi har førehandsgodkjent og som vil gi samtykke.

På denne måten kan bedriftshelsetenesta enkelt få oversikt over kva krav som er aktuelle og kva løysingar som er preaksepterte (førehandsgodkjente) for desse krava. Dei kan også vurdere og kommentere planar som avvik frå dei preaksepterte løysingane.

Søker tiltakshavar i ei digital søkeløysing? [Last ned og sjå eigenerklæringa som PDF på arbeidstilsynet.no.](#)

## Bekrefting og signering

Bistanden gjeld tiltak (bygg/adresse):

Bistanden gjeld lokale:

Bistanden gjeld for verksemd:

Org.nr.:

Som representant for bedriftshelsetenesta bekreftar eg at vi har gitt søkaren bistand til planane som er beskrivne i søknaden om samtykke frå Arbeidstilsynet, i tråd med krava i regelverket.

Namn på godkjent bedriftshelseteneste	
Namn	
Rolle/Tittel	Telefon
E-post	
Dato	
Signatur	